


Янгиланган Кўқон йўллари



Ўзбекистон Республикаси Президентининг 2018 йил 1 ноябрдаги "Халқаро хунармандчилик фестивалини ўтказиш тўғрисида"ги қарорига асосан Кўқон шаҳрида ўтказиладиган фестивалга тайёргарлик қўриш мақсадида шаҳар ҳудудидаги ва шаҳарга олиб келувчи автомобиль йўлларини таъмирлаш бўйича қатор ишлар амалга оширилди.

Шуни алоҳида қайд этиш лозимки, умумий фойдаланувда бўлган ҳамда шаҳар кўчаларида автомобиль йўлларида Автомобиль йўллари қўмитаси тизимидағи пудратчи корхоналар томонидан 76,7 км узунликдаги қуриш, қайта қуриш, тўла ва жорий таъмирлаш ишлари бажарилди.



Хусусан, умумий фойдаланувда бўлган 56 км узунликдаги автомобиль йўлларида таъмирлаш ишлари амалга оширилди.

Жумладан, А-373 б автомобиль йўлининг 6-34 км, 4р-112 "Фаргона халқаси" автомобиль йўлининг 279-299 км, 4Р-154 "Кўқон-Яйпан-Исфара" автомобиль йўлининг 0-2 км, 4Р-17е "Кўқон шахри айланма йўли" автомобиль йўлининг 0-4 км қисмларида ҳамда 4К-924 "Тошкент-Ўш-Найманча-Бекобод" автомобиль йўлининг 0-2 км қисмида жорий таъмирлаш ишлари олиб борилди.

Бундан ташқари, шаҳар марказий ва ички кўчаларида ҳам қуриш, қайта қуриш ва таъмирлаш ишлари олиб борилиб, 20,7 км узунликдаги кўчалар қайта чирой очди.



Масалан, А.Темур, Сарбоз ва Чархий кўчаларининг 4,2 км қисми қайта қурилган бўлса, "Турон" кўчаси тўла таъмирланди. "Сарбоз", Имом Бухорий, Фурқат кўчалари, бундан ташқари шаҳар аэропорти худуди жорий таъмирланди.

Таъмирлаш ишлари давом этмоқда.

Автомобиль йўллари қўмитаси

матбуот хизмати